

全滇紀要

貴竹錢登熙署檢

雲貴總督部堂丁鑒定

雲南課吏館編輯
輯全滇紀要

光緒三十一年冬十月本館排印

雲南課吏館全滇紀要編輯章程

第一節

一定名 本所專爲採輯滇事考察全滇風土物宜有關政治

利弊者分類編輯名曰編輯所

二宗旨 本所以練習滇省地方政務發明中外法律之學爲

宗旨

三性質 本所以擴充仕學輸入文明爲編輯性質其不涉滇

事者不錄

第二節

甲 本所派總纂二員專檢校每日之編輯校清後送文

案處轉呈 提調

館長閱訖發印

乙 總纂員仍與編輯員一體分編各占門類惟帶總纂名目擔其職務不設專員

丙 本所派編輯員六人輪班分輯編就後俟總纂檢校訖繕寫員謄清蓋編輯員名戳以憑酌記分數

丁 本所派繕寫員四人輪任每日應繕寫各務

戊 本所派校對員二人專司校對發刊排印職務卽以本館收支員兼理

第三節

甲

本所總纂編輯繕寫各員每日十二句鐘均須到所
值班分輯者秉筆未值班者閱書庶免臨時翻閱茫
無頭緒

乙

每日編輯一張不限字數惟期考察詳明甲日所編
乙日印發每人一分館員能於編輯各門內確有心
得著爲論說者徑交文案呈

丙

提調核閱果有可採發編輯所排印
本所廣求書籍以資考證滇省地僻藏書者少擬先
於滇省通志滇繫各書分類考察務期有裨政治其
分類次第俟開編時詳細酌擬

丁 本館休息日全予放假是日停編

第四節

甲

本所編輯爲詳著政治職務義務不尙詞藻凡天文
文藝禮樂志及無關政治者雖文采彪炳概不編輯
滇省疆域自交涉畫界後情形不同應繪圖貼說以
資研究惟圖學尙無通員應就現有之圖詳爲考訂
請於洋務善後兩局移取發所繕輯

乙

丙

滇省土產物宜名類至蹟其特別動植各物多有生
殖甚繁而荒棄無用者如榕樹之樹漿樟樹之樟腦
等類宜分爲特別種類另立一門更宜廣諮博訪期

無遺漏卽附於物產之後其動物之特別者總列

門

丁

中外法律不同遇有交涉難於比附現在改修律例請於奉到時發所編輯應先將英法義三國法律由洋務局移取如法國則附於蒙自思茅二關英國則附於騰越關義國則附於鐵路包工之類遊歷教堂應用何律統於洋務局移取鈔錄卽爲繕寫員之職務

戊

滇省學堂警察農政蠶桑森木武備水利各政治應就已辦者詳列於各府廳州縣之下請由各學堂及

善後局移取發輯

巳

滇省種人名類甚衆如沙人棘兒子狃家子猓獯牯
猓獯夷苗蠻之類志書所載者詳著其風土人情另
立專門不列於各州縣下以清眉目

庚

滇省出洋學生人才所出爲將來致用基礎請由所
司處錄取職名題名另立專門以昭激勸

辛

滇省特別土產金銀寶玉象牙犀角而外以銅錫鹽
爲三大宗銅分東西兩路鹽分西南兩路錫惟南路
一隅利用及天下近邊土民多食交鹽粵鹽錫亦溢
於外洋僅銅以運京之故尙無遺漏宜分三大宗研

究利弊詳著於編

編輯所義務條目

一編輯無論何門經前日議及者不得摭拾複雜以期簡淨務期和衷商酌共擔責任以保名譽

一書爲每日必用之需凡有考證卽於十二句鐘到所任便翻閱無論何人不得攜帶出所卽住館者亦不必攜帶回房以歸畫一

一議設稽查經收書籍一員卽於編輯員中派攝大書銜名卽係專司之員應擔其責任義務

一每日書籍用時由稽查員開鎖散發用畢或仍須考

證稽查員應俟收竣度貯方出

一編輯時逐門先行演說不拘何員均擔演說責任義務演說已畢公同認許方秉筆編輯以集衆長

一一人知識有限須兼集衆長不得挾私自用亦不得肆情譏訕致傷睦誼辯論演說不在此例

一每日十二句鐘到所辦事時促期於速成務期早一刻齊集公同論說不能以已事未畢致衆候一人

一編輯員每日二人一秉筆一旁參所有應得分數卽二人均沾公享

一各有私藏之書或各於相識處借閱皆須送所以資

博證惟所借之書須列表交稽查員存查

一每日搖鈴上堂畫到後即齊集一所以便演說編輯

大意

一繕寫員兼校對最爲繁重與編輯員並無軒輊且以鈔取成案爲義務尤爲煩要凡擔此職務者務期和衷盡其義務每日分班與編輯員每日二人同例所得分數均沾公享

（一）
（二）
（三）
（四）
（五）
（六）
（七）
（八）
（九）
（十）
（十一）
（十二）
（十三）
（十四）
（十五）
（十六）
（十七）
（十八）
（十九）
（二十）
（二十一）
（二十二）
（二十三）
（二十四）
（二十五）
（二十六）
（二十七）
（二十八）
（二十九）
（三十）
（三十一）
（三十二）
（三十三）
（三十四）
（三十五）
（三十六）
（三十七）
（三十八）
（三十九）
（四十）
（四十一）
（四十二）
（四十三）
（四十四）
（四十五）
（四十六）
（四十七）
（四十八）
（四十九）
（五十）
（五十一）
（五十二）
（五十三）
（五十四）
（五十五）
（五十六）
（五十七）
（五十八）
（五十九）
（六十）
（六十一）
（六十二）
（六十三）
（六十四）
（六十五）
（六十六）
（六十七）
（六十八）
（六十九）
（七十）
（七十一）
（七十二）
（七十三）
（七十四）
（七十五）
（七十六）
（七十七）
（七十八）
（七十九）
（八十）
（八十一）
（八十二）
（八十三）
（八十四）
（八十五）
（八十六）
（八十七）
（八十八）
（八十九）
（九十）
（九十一）
（九十二）
（九十三）
（九十四）
（九十五）
（九十六）
（九十七）
（九十八）
（九十九）
（一百）

總例

著述之體多矣河間紀協揆著四庫提要總綱辯之綦詳學者類能言之經史子集體裁迥別至於編輯則末之又末蓋類書之流亞殆不免兔園冊子之譏然方今切實之學專務切於政治固不必摘藻揚芬亦不定出經入史惟就全滇政治所關者條分而縷析之使開卷了然易記易熟致用之道孰大於是則一切繁文縟字皆從刪節似書法體例在所不議然使竟無條理將龐雜蕪亂必至自紊其例閱者何所依據今分十二總綱下綴子曰連類而書依班馬兩志各作起例語以發明本綱之義是總例之作其亟也故冠之以體例夫聖人因地制宜蓋以地輿百政所從出也故

志疆域爲首有土此有財而後量入爲出故財政次之理財者必資地利故農政次之而水利而物產又次之貿遷有無生財大道故繼之以商務泰西各國以商務爲勢利範圍有財而無衛危機所伏智者憂之故申之以兵政滇居重邊外人環伺交之有道接之以禮攘攘者皆爲利來耳故重之以洋務法令自治吾民今且情通萬國公允所昭裁判斯慎故繼洋務而志刑律爲政在人造才尤亟可儲備以爲吾用者教育之學堂是也可撫馭以捍吾圉者聯絡之九夷是也故學堂種人又連類而志也海禁一開華民日用所需外物幾充物無隙漏卮所洩識者隱憂然滇以邊遠尙不及覺今軌道大開重關頓闢不有造作難挽橫流惟廣興工藝

以輔財政之源以彌農商之罅則有關於我國家政治者莫此工藝若也故終之以製造

體例

星羅眉列經布緯先政治所繫細大不蠲舉網若綱如貫引錢是則是倣惟固惟遷匪作而述依類成篇紀體例要冠首一全滇政事凡分十二綱依類相從其有昔畧而今宜詳昔無而今特顯者胥附於各綱子目之下如鐵路附洋務警察附兵政之類皆不另立提綱至物產一門尤繁如山澤所產動植類定質流質鑛永類天生奇珍及人造貴重各品類將世所共知者列入經常門人不知而

爲用甚溥利甚鉅者另立特別門著於經常之後庶閱者便於檢查

一此次編輯仿學堂教科書例期於明白顯豁所採全滇關於政治者務爲詳盡不規規於文字優劣閱者諒之一編輯雖不拘泥文字然各有體例應用之處亦不能概廢太史公八書十表班史諸志馬端臨通考最爲相宜今擬洋務用書農政兵政學堂種人用志疆域水利用考賦稅用表而水利亦兼用表物產則考表并用以期詳盡

一編輯用表時多恐鉛字難於橫行橫印應照近時度支

考例凡列表者其目則提行橫列其應列之事則空一格直行下排就部位各數目祇用一二三至九而省億萬千百十兩錢分以下等字以清眉目

是編本德行言語政事文學四科以當世仕學非造育始基之士應就切實處下手滇省仕宦應習滇事惟政事一門較切實有用既各分專科則此編祇紀政治所關不涉他務蓋期於仕學速成非闕略也

疆域

全省界

各府界

州界附縣

直隸廳州界屬縣土司界附

經野體國制域分疆九夷賓服六詔來王地鍾其傑天啓其藏重關設險比戶相望版圖所及拱衛斯彰紀疆域要第一